



Opuscula



*Opuntia*



GRYPHUS

ALIGER 22

Virtutes & Merita

*ILLUSTRIS olim ac MAGNIFICI DOMINI,*

D. JACOBI

De Otffinow

OTFFINOWSKI,

DAPIFERI WYSOGRODENSIS,

Ex umbris Sepulchralibus,

ad Lumen

IMMORTALIS GLORIÆ

ATTOLLENS;

Dumq; Ejus mortales exuviae, Cracoviae  
In Ecclesia S. CASIMIRI, Patrum Reformatorum,  
Ordinis S. FRANCISCI strictioris Observantiae,  
cum summo Omnium dolore

sepelirentur,

ELOGIARI CALAMO,

*Ad perennem tanti Viri memoriam,*

P E R

M. FLORIANUM ANTONIUM LACHOWICZ,

Philosophiae Doctorem & Professore, Collegam Majorem,

Ecclesiae SANCTAE ANNAE CANONICUM.

DEMONSTRATVS.

Annô Domini 1733. Die 30. Julij.

---

Typis Collegij Majoris, Universitatis  
Cracoviensis.



In Stemma  
ILLUSTRISSIMÆ DOMUS  
OTFFINOWSCIORVM.



**S**armaticis Campis GRYPHUS consurgit in altum,  
Hostiles Lechico pellit ab orbe minas.  
Fortius adversis opponit pectora rebus,  
Certat pro Patria, Religione, Fide.  
Nititur in Cælum post tot victricia gesta,  
Victorem Cæli sola corona manet.



**G R Y P H U S**  
**A L I G E R**  
Virtutes & Merita,  
Ex umbris Sepulchralibus,  
Ad Lumen  
IMMORTALIS GLORIÆ  
**A T T O L L E N S.**

**Attollimur Mortales,**

sed in alto ima experimur.

Crescimus,

sed instar plenioris Cinthiæ decrescimus.

Dum augemur, diminuimur; dum multipli-  
camur, subtrahimur.

Vita nostra, viva Mors.

O miseri!

sic vitam ducendo, mortē ubiq; expectamus,

sed

quando, & quomodo, nescimus.

Tempus, quod vivimus;

perennis fuga & noster interitus est.

Labimur de annis in annos,

sicq; interimus.

Inter lubrica viarum, casibûs stamus,



inter alta suspiria, solis insistimus ruinis,  
*Hodie aliquid, cras nihil.*  
Metimur nos longiori ætate, & abbreviamur.  
Sub Phæbo Cæli sereno, obscuramur.

Dies nobis allucent,  
qui perpetuam noctem invehunt.

Horæ fluunt,  
sed  
non tam Gangetico pulvere,  
quàm cinere sepulchrali.  
Distincti in mundi lucem prodimus,  
exitu æquamur.

**Proh dolor!**

nascimur infelices.

Non prius adstantem Lucinam,  
quàm atrocem Libitinam conspiciamus.

Vix à Parentibus acceptamur,  
à fatis excludimur.

Non tam fascijs  
quàm levi Paradisi folio involvimur;

in quo  
nec dum literati, benè legimus statutum:  
semel mori.

*Vbi una nascendi, hîc moriendi mille figuræ.*

Penduli ab uberibus,  
simul vitam & mortem fugimus.

Ploramus,

quòd



quòd innocentes concepti in culpa sumus.

Imgemiscimus;

quòd nudi ad mortales exuvias destinamur.

Dolemus;

quòd de utero materno, non tam ad infantiles cunas,  
quàm ad urnas lethales transferimur.

Vagitu nostro,

inter graves Mūdi plagas incusamus Parcas.

O Parcæ!

supra Nomen suum crudeles, quæ nemini parcunt.

Cæco ruunt impetu,

sine delectu maturos immaturosq; invadunt;

Ad labores natos,

in æternum quiescere cogunt.

More latronis,

omnibus unam vitam, in una vita omnia eripiunt.

Noctem non expectant,

etiam meridiante sole grassantur.

Viros Orbe toto maiores

tenuissimæ superant, in spolium ducunt,

& in angusto claudunt sepulchro.

Nonne hîc dolendum?

ubi viles hominum casæ, in viliores urnas abeunt;

Solia Regum solo æquantur;

sublimes Throni in sarcophagum cedunt;

Clavæ Ducum in clavos transformantur;

Enses militum in ligones vertuntur;

Vexilla Heroum in lugubria funerum velamina  
disponuntur;

B

Hono-



Honorum omnium fastigia, in fastidia  
mutantur.

## In Theatro Mundi,

adhuc aperitur Fatorum scena.

Phæbus Mularum,

sub umbris fatalibus sæpè apparet.

Chorus Parnassi,

Requiem æternam non rarò sonat,

& diem iræ intonat.

Eruditæ Laurus,

in dies ferales induunt Cupressos.

Vbiq; triste spectaculum:

ubiq; metus & dolor,

Mors inevitabilis est.

Videtur in alijs, speratur in nobis.

Falcato ferro

oculos nostros, in copiosas resolvit lachrymas;

pectus nostrum in dolorem scindit;

ad cujus fragmenta,

ruinæ irreparabiles sequuntur.

Non redeunt Viatores,

qui abierunt illuc, ubi esse acceperunt.

Serenissimi Regnorum non oriuntur Soles,

qui semel occidunt.

Amplius non rubescunt Purpuræ,

quibus Fata suum inducunt pallorem.

Non assurgit Pedum,

quod



quod pede sævientis Libitinæ calcatur.

Dies nostros, quos perdimus,  
invenimus nunquam.

*Nec, quæ præterijt, hora redire potest.*

Variis jactata procellis vita omnium  
non emergit;

quam cinis sepulchralis absorbet.

Sistite hîc Viatores,  
tremuli audaciùs hoc tollite suppositum.

Superfunt, qui pereunt;

nascuntur, qui moriuntur;

cùm nonnisi locum & vitam mutant.

Licet mori videntur, non tamen possunt,

quos virtus supra mortalia evexit.

Nocet quidem mors hominibus,

sed nocendo prodest.

Adimit vitam brevem,

sed dat longiorem.

Vmbra fatalis,

lucem perpetuam accendit pulchriùs.

Consurgunt altiùs, qui graviter ceciderunt.

Casus talis, qui elevat,

fors de Cælo est.

Post nubila Phæbus serenior,

post tristem occasum vastior evadit.

Luna in suo decrescenti sepulta,

sæpè resurgit, crescit, lucidiorq; apparet.



Rosa cum atteritur, amœniùs redolet.

Ex suo funere

feliciorem vitam Phœnix habet.

Ex suo lapsu,

altos Hercules ascendit Cælos,

& sub novo sidere fortior spectatur.

Felix malum, quod ita prodest.

Vita non mors, quæ immortales reddit.

Ego hæc currenti leviq; calamo scripsi,

sed

**GRYPHVS ALIGER**

cum sua gravitate ad probandum assurgit,

qui

**Virtutes & Merita**

ILLUSTRIS olim ac MAGNIFICI DOMINI,

**D. JACOBI**

De Otffinow

**OTFFINOWSKI,**

Dapiferi Wyfogrodenfis,

ex umbris sepulchralibus,

ad Lumen

immortalis Gloriæ

attollit.

Nec latet, nec hæret in ūbris sepulchralibus,

sed in altum evolat,

cui



cui Fama immortalis, & Amor pro Patria perennis  
addidit alas.

Cælum petit,  
quid mirum?

in quo zelus in DEVM est.

Caput illud in astra attollit,  
ex quo prodeunt sublimi ingeniô Platones,  
consiliô gravissimi Catones,

## OTFFINOWSCIJ.

Pectus leoninum præfert,  
imperterritos ubiq; monstrando Heroes.

Nescit humi serpere,  
in sublimia fertur, hostili cruore purpuratus,  
Principem locum habiturus.

Semper in motu glorioso est,  
& hodie ad æternam magni Viri requiem  
non otatur;

dum fatîs extinctum immortalitati infert.  
Vivere nunc mortuus maximè videtur,  
cujus vivam Imaginem umbra mortis  
repræsentat.

Superstes post fata totus nobis est,  
liquidem:

*Vir bonus etiamsi moriatur, vivit.*

Virtus Ejus Soli Iustitiæ intentâ,  
nullis tenebris obrui potest.

Olympus Illi non terra, in urnam cedit;  
cujus animus terris major est.



Feralis hæc umbra habet lucem,  
habet cinis dispersus illam molem, quæ Olympū refert.

Nihil in JACOBO non maximum,  
nihil non eminentissimum,  
etiam quod infans parvumq; est.

**Primo statim Sole**  
derivavit lucem vitæ nobilis,  
ab Illustrissimis Majorum Ceris,  
quas in Orbe Polono ipsa Cæli Astra  
accenderunt.

Ex Domo magna, non minor prodijt.

Domus hæc  
ad propitium Cæli influxum ita crevit;  
ut etiam Serenissimam Regum Poloniarum  
Majestatem attingeret.

Altus est Sangvis OTFFINOWSCIORVM,  
qui

ex venis PRINCIPIS IAXA effluxit.

Quotquot hujus Sangvinis Guttæ,  
tot Gemmæ;

in quibus candor erga Reges & Patriam  
refulget.

Sangvis Principum OTFFINOWSCIj;  
quem ita suus natus candor,  
ut vitrum Rosam prodit.

Arbor Consangvinitatis OTFFINOWSCIANÆ,  
in Campis Sarmaticis tanta est;

ut se



ut se non tantum per Palatinatum Cracovię:  
Sandomiriensem, Lublinensem,  
sed per totam Poloniam,

imò

per Orbem totum extendat.

In folijs hujus Arboris,  
reverenter lego Polonos Numas,  
Scipiones, Camillos, Hortensios.

Adorantur in Aris

beneficę OTFFINOWSCIORM Charites;  
defudant Templorum parietes  
in hoc unicum;

ut suos loquantur Mecænates.

Vide & mirare;

Impavidos Lechici Martis Heroes

**OTFFINOWSCIOS;**

quibus sunt

pectora pro manibus,

animi pro Scuto,

virtus pro galea.

Classica ferrei Martis

Nomen OTFFINOWSCIORM sonant,

sed

Lingvę Orientales

non minus æternitati commendant,

quibûs velut suis pro Patria

cum DVCE ZBARASCIO

C2

coram



coram Porta Othomanica locuti,  
Divini planè Mercurij.

Prætereo in Oriente Alios,  
sufficit ad Gloriam Vnus,  
Ille,

alti Spiritus vastiq; Ingenij

**OTFFINOWSCIUS,**

Quem

**SIGISMUNDUS III.**

Rex Poloniæ,

ad

**O S M A N V M**

Turcarum Imperatorem,

**INTERNUNTIVM**

fecit.

Abijt

Vir ingeniô, judiciô ac in rebus gerendis  
dexteritate clarus,

*ad corrigendos nonnullos Pactorû Articulos,*

Quem

**Helluo Regnorum,**

latissimi Imperij vastitate

tumens,

dum nec aspectu dignatus fuerit,

**Regiam Majestatem**

læsit,

inter



inter Reges Poloniæ & Domũ Othomanicã,  
arctissimum fregit nexum,  
Bellum Chotinense contra se,  
*rerum gestarum magnitudine celeberrimum,*  
*prospero eventu supra omnium sæculorum*  
*Fidem stupendum*  
movit.

Indomitus Tyrannus,  
Cornibûs suæ Lunæ elatus,  
Dextera Omnipotentis DEI depressus,  
Machinîs Bellicîs attritus,  
tubarum clangore, armorũ strepitu cõfusus,  
magnum OTFFINOWSCIj Nomen,  
quod per Sulbassam contempsit,  
ingenti Turcarum clade  
adoravit.

Marte & Arte felices  
**OTFFINOWSCIj;**  
in quorum manibus  
enses & calamos acutos,  
nostri & exteri soles conspexerunt.

Videndum erat ad Cudnovienses Cannas

**OTFFINOWSCIOS;**

ubi fuerunt telluri graves,  
sed magis Hosti infenso.

Ferreum pectus ita Moschis opposuerunt;

D

ut



ut illos,  
non tantum extra fines Martialis arenæ,  
sed

ultra vitæ limites propullarent.  
Alij militaribus aliis victrices palmas,  
alij pedibus aligeri Pegasi  
immortalem consecuti famam.

Dulci susurro Castalij Fontes memorant

**VALERIANUM**  
**OTFFINOWSKI,**  
Pocillatorem Sandomiriensē,  
Polonum Maronem & Virgilium,

Quem  
Deæ Musæ Cordi Regum induxerunt.  
Ita Serenissimi Reges acceptarunt

**OTFFINOWSCIVM,**  
sicut

Augustus Horatium,  
Alexander Homerum,  
Honorius Claudianum.

Pios aliorum Aborigenum manes non fatigo,  
laboribus & meritis fracti, quiescant,

Quos  
sola admiratione & profundo silentio veneror.  
E sepulchrali nonnisi lapide

scri-



ſcriptoriô calamô transfero in paginam,  
ILLUSTREM olim ac MAGNIFICUM D.

**D. GREGORIUM**

De Otffinow

**OTFFINOWSKI,**

Capitaneum Bedzinenſem,

Omnibus amabilem, univerſis neceſſarium,

qui non ſibi, ſed Patriæ vixit,

Majorum gloriam adæquavit,

maxima virtutum ſpecimina dedit.

Succedētes Filij nō reſceſſerūt à virtute Patris.

Prominet inter alios vera Patris Idea

ILLUSTRIS olim ac MAGNIFICUS DOMINUS,

**D. ALEXANDER**

De Otffinow

**OTFFINOWSKI,**

Capitaneus Szczercovienſis,

Dictis factisq; in Patria Civis magnus,

moleſtus nemini, carus omnibus.

Virtutibus clarus, Prole ſua beātus fuit,

dum in ornamentum

Eccleſiæ, Patriæ, Familiæ,

FRANCISCVM militiæ Ductorem,

STEPHANVM Theologum, Oratorem,

D<sub>2</sub>

Pôé-



Pòétam, ore, & calamo felicem,  
**BRIGITTAM & EVPHEMIAM,**  
Sacratiores Vestas;  
**AGNETEM, APOLLONIAM, IVLIANAM**  
Polonas Amazones,  
charissimas magnorum Heroum Conjuges  
reliquit.

Omnibus gratus & jucūduſ etiā poſt fata eſt,  
**ILLUSTRIS** olim ac **MAGNIFICUS DOMINUS,**

**D. GREGORIUS**  
De Otffinow

**OTFFINOWSKI,**

Vir pietate, humanitate, morum gravitate inſignis.

Grande Patriæ decus,

fui pretium ſæculi,

**ILLUSTRIS** olim ac **MAGNIFICUS DOMINUS,**

**D. GASPAR**

De Otffinow

**OTFFINOWSKI,**

Capitaneus Szczercovienſis,

cujus magnitudini quævis elogiorum moles  
non ſufficit.

Plura Ille zelofus pro Fide, Eccleſiâ,

& Patria geſſit,

quàm ſcribi poſſunt,

plura



plura meruit,  
quàm venusto ore dici, ac mente vasta comprehendi.  
Magnitudo Ejus animi in tribus Filijs,  
THOMA, IACOBO, IOSEPHO,  
expressa est.

Fortes ex forti, Magni ex Magno nati:  
dum

*è nido Aquilarum corvi non evolant,  
sed digna Phæbo proles.*

Ex His

ILLUSTRIS olim ac MAGNIFICUS DOMINUS,

**D. THOMAS**

De Otffinow

**OTFFINOWSKI,**

Pocillator Dobrzynensis,

Aureus in ferro Poloniæ Heros,

qui  
in cruenta Gradivi arena, non gravis;  
sed

promptus ad pugnas felixq; ad palmas fuit.

In hoc

omnes virtutes sedem sibi fixerunt,

omnia habuit,

defecit in uno, quòd non plùs vixit

**DEO & Patriæ,**

E

fed



sed

vixit fatis, quòd vixit benè.

Succedit minor annis, sed non virtute  
ILLUSTRIS olim ac MAGNIFICUS DOMINUS,

**D. JACOBUS**

De Otffinow

**OTFFINOWSKI,**

Dapifer Wyfogrodenfis,

Cujus hodie mortales exuviæ,

non finè lacrymis & dolore,

piis sepeliuntur manibûs.

Mortuus æternum victurus,

qui vixit moriturus.

Animam DEO reddidit,

virtutes & merita Posteritati reliquit.

Magnus Vir mortalitati succubuit,

qui etiam in cunis plusquàm Gigas,

suïs non minor Majoribûs fuit.

Fasciæ infantiles Herculem alterum

stringere videbantur,

qui herculeam spirabat virtutem.

Inter pueriles lacrymas

solatium ex se futurum promittebat,

nihil puerile habens,

præter annos.

Florem Iuventutis suæ

Regi-



Regijs porrexit Musis,  
quibus decus & delictum fuit.  
Ad eruditum Phæbum  
in tenera Ejus ætate,  
Indolis maturitas apparebat.  
Vastitate ingenij,  
Colles Parnassios longè superabat.  
Mirabatur natura  
magnum in corpore parvo,  
gravem in levi luventute,  
constantem in omni progressu.

Hinc

Tempora Ejus gemmeo sudore lota,  
nunc Dæ Musæ magni Iagellonis  
doctis ornabant lauris,  
nunc Gratia Iovis Supremi  
suis favoribus coronabant.  
Bonis imbutus Artibus  
soles externos videre noluit,  
qui  
aliquando obscurant magis, quàm illustrant,  
nativis splendoribus Illustrissimus.  
Soli ductu virtutis,  
ex pulvere Scholastico, ad arenam Martiale  
se transtulit;  
ubi  
ad focum Vulcani altius eminuit ;



fulgore armorū claritatem Majorum auxit;  
auream ætatem ex ferro sibi fecit.

Impavidus Heros,  
quòcunq; velocem gressum movit,  
ubiq; triumphum obtinuit.

Formidabant pericula,  
ubi  
collapsā spē Patriæ Herculeo corde erigebat.

Trepidabant fata,  
cūm vivum Martem hæc cæca Numina  
conspiciebant.

Pallebant mortes,  
dum ex corpore adversi exercitūs  
cruorem educebat.

Igneum in prælia ferens pectus,  
vitam exuere cupiebat,  
æstimando:

*dulce pro Patria mori.*

Nec Hercules contra duos,  
Ille unus contra plures assurgebat,  
fugando, triumphando.

Terra, quamcunq; calcabat,  
victrices laurus proferebat, palmasq; porrigebat,  
in virtutis Ejus coronamentum.

Totus ferreus Heros  
periculīs cruentīsque negotiīs enutritus  
hostibus in terrorē, cōmilitonibus in amorē,

Pa-



Patriæ in delictum cessit.  
Deposuit galeam,  
amovit gladium feliciter,  
& felicius ad Conjugales tædas accessit;  
dum

ILLUSTREM ac MAGNIFICAM

**A N N A M**

Magnâ PRZECLAWSIORVM Domô

prognatam,  
veriozem Orbis Poloni Pulcheriam,  
in vitæ Sociam admisit.

Habuit cordis & animi delictum,

Familiæ gemmam,

in Quam

Natura, Virtus, Fortuna,  
certatim omnia summa congesserant.

In prosperis & dubijs fuit levamen

**J A C O B O,**

Pietate, mörum svavitate, rarâq; prudentiâ,  
supra fæminam felix Consors;

sed brevî

in pectoris amici pressuram cessit,  
in quam irruit laxum fatale.

Astris faventibus  
venit afflicto solatium, desiderij corona,  
ulterioris vitæ Comes



ILLUSTRIS ac MAGNIFICA  
**A N N A**  
ex Illustrissima IORDANORVM Domo,  
in qua verecundia Artemisiæ,  
morum elegantia Venusinae,  
ingenium Minervæ  
re lucebat.

Duo fuerunt unum,  
sed  
ex hoc uno fata iniqua diversum fecerunt;  
dum  
animæ dimidium ex ipso corde,  
non sinè vulnere subtraxerunt.

Boni tamen Superi  
funesto immersum mærori recreârunt;  
dum Illi

ad dulce vitæ consortium

ILLUSTREM ac MAGNIFICAM

**THEOPHILAM**

Nobili KANSCIORUM Genere

& virtute claram,

elegerunt.

Accepit electam.

simulq; cum Ea verecundiam ferè Angelicā,  
humilis animi pietatem,  
ad suos nutus promptitudinem.

Ma-



Magnus meritîs vixit,  
licèt majoribûs dignus titulîs,  
tamen non ambire magna,

sed mereri contentus,  
Noluit erumpere in altum,  
sub nube modestiæ latis clarus.

Et bene:

alti Honores ludibria sortis sunt;  
quævis dignitas palliata miseria;

sub gemmeis Coronis  
magni sæpè gemunt Viri:

*cùm nullus sit in Corona unio,*

*qui sudor non sit:*

*rubinus nullus,*

*qui non sit sanguis.*

Lucundæ aspectu Purpuræ,

sed tineîs nonnunquam refertæ,

quæ mentem & animum rodunt.

Tam bonum fallax, & pomposam ruinam  
fugiendo,

humilis semper videri gaudebat,

Virîs sublimibûs Major.

Præter vim summi ingenij,  
magna ex ipso corpore accessit Ei dignitas;

cujus quantitas

moles virtutis Gigantea.

Caput Ejus optimum,

F<sub>2</sub>

in quo



in quo sensus de Bono Patriæ profundi,  
mens autem in Cælum elevata.

Frons Ejus serena,  
quæ omnes ad se trahebat, neminē arcendo,  
& ex qua

guttæ sudoris in gemmas vertebantur.

Vultus totus,  
propior Dijs, quàm hominibus.

Oculi placidissimi,  
qui non despiciebant, sed respiciebant.

Blandum os,  
quod fallere mentiriq; nescivit,  
& quot verba, tot oracula fudit.

Manus aureæ,  
quæ nemini injuriam intulerunt,  
nudos contexerunt,  
paupertatem FRANCISCI ditaverunt,  
puncto temporis Census omnes solverunt.

Solverunt,  
debitū tamen omninò solubile contraxerūt:  
restat mori.

Ad Solvendum hoc debitum, ivit

**JACOBUS**

Domi peregrinando.

Ex voto  
in Mare Gratiarum se commisit,

sed



sed prius in scopulum vitæ incidit.

Heu spes votis elusa!

Montem Clarum petijt,

sed prius umbram mortis ingressus.

Ad Salutem infirmorum propè suspirando,  
expiravit.

Ad Rosam Mysticam  
manus devotas erigendo,  
cor contritum elevando  
fatis palluit.

**Felix Locus,**

in quo Lethum fuit Illi lætum.

Adhuc in terris Viator

ad Portam Cæli accedebat.

Ex terra migrando,

ipso in Cælo esse videbatur,

ubi

non procul Reginam Angelorum habuit.

Abijt quidem, sed non obijt,

manet post fata superstes.

Ejus tamèn egressus, quod sit sine regressu  
omnes plorant, gemunt, suspirant.

Lapis hic sepulchralis

premit cor & dolorem ex ipso elicit

ILLUSTRIS ac MAGNIFICI DOMINI,

**D. JOSEPHI**

G

De



De Otffinow

**OTFFINOWSKI,**  
Capitanei Szczercoviensis,  
Fratris æstimatissimi,  
Viri de Republica meritissimi;

in Quo

summa pietas in Superos,  
fides & amor in Patriam,  
liberalitas in egenos,  
clementia in subditos,  
candor & affabilitas in omnes relucet.

Dolendum Illi!

cùm sit magnum Orbis Poloni Lumen,  
& modò  
umbram mortis ferre debet.

Ingemiscendum!

ubi crudeles Parcæ  
in filo vitæ nexū fraterni sanguinis scindūt.

Triste spectaculum,

cùm Major Frater  
caput in sepulchrum flectendo,

Minorem veneratur

Eiq; vale dicit æternum.

Discite amorem;

**JACOBVS JOSEPHVM**

ita vivus adamavit;

ut



ut etiam defunctus junctis supra pectus  
manibus

fædus amoris erga vivum exprimat.

Amor amore pensatur,  
tenet vivus defunctum in corde,  
qui evolavit ex oculis.

Confluunt ad Fratrem Sorores  
augentq; suis querelis dolorem,

**T E R E S I A**

ILLUSTRIS ac MAGNIFICI DOMINI,

**D. STEPHANI  
WIELOGŁOWSKI,**

Pincernæ Ravenfis,  
Judicis Capturalis Crac:

&

**H E L E N A**

ILLUSTRIS ac MAGNIFICI DOMINI,

**D. JOANNIS  
L I P S K I,**

Pocillatoris Chelmenfis,  
Judicis Capturalis Crac:

Confortes;

Polonæ Cornelix, Virorum Coronæ.

G2

In-



Indolent,  
quòd illis falcato ferrò cor à corde avellitur  
& in escam vermibus deponitur.

Suspirat à longè inter umbras Religioſas  
cum maſtiſſima Sorore ſua EUPHEMIA

RELIGIOſIſſIMA in CHRISTO

**BRIGITTA**  
**OTFFINOWSKA,**  
Conventus Sanctimonialium  
Præmonſtratenſium Zwierynecenſis  
ad Cracoviam

**ABBATIſſA,**  
quòd Germanum ex Patruo Fratrem  
nec vivum, nec defunctum videre poteſt.

Abeſt quidem corpore,  
ſed adeſt funeri præſens animò,  
quæ in Virgineo Sacrarum Muſarum choro  
altera Pallas conſpicitur.

Pridè Hæc Cælo dicatæ Virgines indigebant,  
ne unquam indigerent,

ex Cujus oculis, qui cordis fenestræ ſunt  
ſolæ gratiæ proſpiciunt,  
& ad mentem omnibus cuncta provident.

Siſtit  
in funeſto ad ſepulchrum exitu,

Re-



Regum æstimatio, Principum Delicium,

omnium Amor

ILLUSTRIS ac MAGNIFICUS DOMINUS,

**D. G A B R I E L**

de Bogusławice

**SIERAKOWSKI,**

Capitaneus Mfzanensis,

Confæderationis Palatinatûs

Cracoviensis

**MARESCHALCVS,**

Quem

venæ alti Sangvinis,

cujus guttam, vel potiùs Gemmam habet,

conduxerunt.

Venit non solus,

sed cum Ipso dolor ingens,

ac

Mæstissima Consors

**R O S A L I A,**

sempèr

Verior Pandora, Sarmaticâ Pulcheria,

hodiè

Niobe dolentissima,

cum qua

H

De-



Defuncto Patri,  
non tam sepulchrum, quàm ipsum cor  
ad sepeliendum aperit.

Defunctus Pater vivit in corde

**GABRIELIS**

&

**ROSALIÆ**

cum Quibus  
etiam post fata lingvís Filiorum desideratís-  
simè locutus,

Se Ipsum & sortes suas  
in fidelissimam dispositionem committendo.

Tantis desiderijs succurrunt  
mæstissimi Coniuges;  
agunt pientissimi,

quod Sangvinis obligatio,  
quod affectus svadet.

Candidi, gemmei toti,  
quidquid suscepti muneris est,  
ad solatium mæroris rectè perficiunt.

Lenimen doloris maximum,  
dum Patrem defunctum  
debitâ proleqvuntur reverentiâ & affectu,  
qui in odia factorum venit,  
& è vivis abiit.

Abi-



Abijt,

Ah dolendum!

Die Solis ultimum vitæ clausit diem,  
ora omnium in planctus, oculos in lacrymas,  
corda in vulnera aperiendo.

Pro langvine dant lacrymas cordis,  
& hīs,

*quæ pondera vocis habent*  
inculant fata, sed non immutant,

Magnæ expectationis Filij  
ILLUSTRES ac MAGNIFICI DOMINI,  
ANTONIUS, SIMON, JOSEPHUS,

**OTFFINOWSCIJ;**  
**Dapiferidæ Wyfogrodenſes,**  
Paterni Nominis & Virtutis Hæredes.

Tyrannus omnium dolor  
maximè Filios occupat,  
dum adunca Libitinæ falce à Patre distinguuntur,  
cujus cordi maximè adhæſerant.

Damnum ingens, dolor maximus,  
dum illud Cor amiserunt,  
ex quo primum vivens acceperunt.

Sinè Corde,  
quod pijs manibûs tumultatur hodie,  
morti æquantur.

Cecidit Vir Magnus sub lapidē Sepulchralē,  
tamen sub marmore non quæramus Eundē.

H<sub>2</sub>

Viva



Viva Defuncti Imago ,  
vera Ejus Exemplaria extant  
Carissima Pignora.

Inspice Filios, Patrem habes;  
Cujus vestigijs gloriosis optime insistent.

In Campo Sarmatico,  
ad magna natos se demonstrant ;  
qui pietatem in Superos, reverentiam in Superiores,  
observantiã in pares, affabilem propensionẽ  
in inferiores,  
timorati, omnium capaces, vitiorũ expertes  
præmittunt.

## ANTONIVS

â Phæbo Musarum sub Martem evolavit,  
Generosam in armis exercet Indolem,  
optimè gnarus :

quòd gloriosum sit Magnis Heroibus,  
prius igne Martiali nitere,  
quàm Illustribus Titulis fulgere;  
prius in æstu solis, quàm in Solio videri,  
prius galeæ, quàm Coronæ Caput submittere.

## SIMONEM

&

## JOSEPHVM,

Iagellonica Pallas in erudito fovet sinu,  
uterq; spes Patriæ magnâ,

in Cu-



in Cujus decus flores Tullianos colligunt.  
Ingeniô subtili longè Majores, quàm Corpore.  
Extra Romam Tullios æmulantur;  
Quorum unus non sinè admiratione  
in Illustrissima Facie  
Comitiorum Prolovicensium  
Mentem

## AUGUSTI II.

REGIS olim Poloniarum felicissimi  
stylô elegantî, fluidoq; ore explicuit.  
In viridi vitæ cursu  
Regius à latere Orator,  
infert augur animus,  
Quòd in matura ætate omnium Princeps Oratorû fiet.  
Ambo Eloquentiæ Auditores,  
fatîs ubiq; disertî,  
qui suavitate oris etiâ Celsissimos Principes  
delectârunt,  
omnes in sui admirationem  
& encomia traxerunt.  
Sermo Fratrum semper Oratorius erat,  
hodie dolorosus :  
pro rotundis periodis, copiosas lacrymas,  
pro longis pneumatibus  
alta suspiria fundunt,  
& ita;



ut colligendis non sufficiat Sepulchrum.

Verbum nullum dicunt ,  
quod acumen doloris non fit.  
Solo gemitu ac luctu perorant,  
Fata iterum iterumq; incusant.

Inter spinas tanti doloris ,  
Rosinos Oratores dum mœstissimæ  
audiunt Sorores ,  
magis ad planctum commoventur.  
Sub Religioso silentio non potest  
servare silentium

Religiosa in Christo

**ELISABETH**  
**Ordinis S. BENEDICTI**

Conventûs Staniatécensis:  
& ore & corde vocali indolet,  
quòd Illum Patrem amiserit,  
cujus benedictionibûs satis dotata fuit.

**BARBARA,**  
**HEDVIGIS,**  
**SALOMEA,**  
**ROSALIA,**

In flo-



in florida Juventute, non finè amaro fletu  
marcescere videntur,  
quas ardentes funeris Paterni ceræ adurunt.  
Ad ultimum vitæ suæ declivium  
non desinent plorare,  
lapide Sepulchrali Patris æstimatissimi  
innocentes in perpetuum lætæ.  
Super fatali Tanti Viri casu,  
præ nimio dolore tremunt

**Illustrissimæ Colligatæ Dom<sup>9</sup>**

HVMIECCIORVM,  
LVBIE NSCIORVM,  
WIELOPOLSCIORVM,  
MAŁACHOWSCIORVM,  
IORDANORVM,  
DEMBINSCIORVM,  
PRZYLECCIORVM,  
DABSCIORVM,  
MECINSCIORVM,  
SKORASZEWSCIORVM,  
PRZECLAWSCIORVM,  
ROIOWSCIORVM,  
STRVSORVM,  
KROSNOWSCIORVM,  
SIEMIENSCIORVM,  
WIELOGŁOWSCIORVM,



LIPSCIORVM,  
SIERAKOWSCIORUM,  
DROIOWSCIORVM,  
MACZYNSCIORVM,  
RZVCHOWSCIORVM,  
KVRDWANOWSCIORVM,  
KATSCIORVM,  
CHWALIBOGORVM,  
WEZYKOWIORVM,  
CHROSCINSCIORVM,  
FVIARSCIORVM,  
SMIETANKOVIORVM,  
TAGOBORSCIORUM,  
REMERORVM,  
SWIERCZKOWSCIORVM,  
GOWOROWSCIORVM,  
KANSCIORUM,  
LESNIOWSCIORUM.

**Aliorumq; Magna Nomina**

nexu sanguinis funesto junguntur dolori.

Perforatæ S. FRANCISCI manus

nova vulnera;

in Crucem compositæ

novam passionem sentiunt,

quòd sint privatæ suo Mecænate.

In hoc tamen mœrore solatium referunt,

cùm




u  
e.  
M  
o-  
m  
o  
es  
er  
ne  
a-  
ut

o  
e-  
y-  
ti-  
e-

o.  
e.  
e.





P.P.



22000,-

3.XII.13



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



